

Na temelju člana 72. Zakona o javnim nabavkama Bosne i Hercegovine („Službeni glasnik BiH“ broj 39/14), a nakon provedenog postupka javne nabavke, ugovorene strane:

- 1. KANTONALNO TUŽILAŠTVO KANTONA SARAJEVO – ul. Radićeva br.6, Sarajevo , kojeg zastupa Glavna Kantonalna tužiteljica Kantona Sarajevo DALIDA BURZIĆ , ID: 4200223290004, (u daljem tekstu: Kupac);**
- 2. R&S d.o.o. Sarajevo, Igmanska b.b., 71320 Vogošća, kojeg zastupa direktor Kemal Selmanagić, ID: 4200056290005 (u daljem tekstu: Prodavac);**

zaključuje se slijedeći

## **U G O V O R**

### **o nabavci kompjuterske opreme**

#### **Član 1.**

Predmet ovog Ugovora je nabavka i isporuka kompjuterske opreme za potrebe Kupca, po ukupnoj cijeni ponude u iznosu od 30.870,45 KM (slovima: tridesethiljadaosamstotinaisedamdeset i 45/100 KM) sa PDV-om, a u skladu sa tehničkom specifikacijom tenderske dokumentacije broj:

A-III-52/17 od 05.12.2017. godine.

Sastavni dio ovog Ugovora je prihvaćena Ponuda Prodavca broj: 20656/17 od 15.12.2017. godine.

#### **Član 2.**

Prodavac se obavezuje da će isporuku opreme iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljene opreme. Kupac će utvrditi razuman rok za ispravku propusta Prodavca, u smislu izvršene nabavke i za račun Prodavca.

#### **Član 3.**

Plaćanje će se izvršiti najkasnije u roku od 60 dana od datuma ispostave fakture za uredno isporučenu opremu. Plaćanje se vrši putem JR Trezor Kantona Sarajevo, na žiro račun Prodavca broj: 338 900 220 8510 172 kod Unicredit Bank d.d. Mostar.

Prodavac se obavezuje da će u skladu sa članom 1. ovog Ugovora dostaviti opremu Kupcu, u skladu sa potrebama i narudžbi iskazanim u pisanom obliku. Isporuka opreme je na paritetu DDP prostorije Kupca. Prodavac se obavezuje na rok isporuke navedene opreme najkasnije 30 (trideset) dana nakon obostranog potpisivanja Ugovora.

#### **Član 4.**

Prodavac se obavezuje na garantni rok za svu isporučenu opremu u trajanju od minimalno:

- 36 (tridesetšest) mjeseci od dana isporuke za računare;
- 12 (dvanaest) mjeseci od dana isporuke za monitore;
- 12 (dvanaest) mjeseci od dana isporuke za printere;
- 12 (dvanaest) mjeseci od dana isporuke za grafičke kartice i
- 36 (tridesetšest) mjeseci od dana isporuke za napojne jedinice.

Servis u garantnom roku je besplatan. Tokom trajanja garantnog roka, Prodavac se obavezuje u roku od 48 sati od dijagnosticiranja kvara isti ukloniti, a u slučaju da to nije moguće, obavezuje se odmah izvršiti zamjenu tehnički neispravne opreme.

#### **Član 5.**

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

#### **Član 6.**

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

#### **Član 7.**

Ovaj Ugovor se zaključuje na određeni period do realizacije nabavke iz člana 1. i 3. ovog Ugovora i postupanja Prodavca po eventualnim primjedbama Kupca, u pogledu nedostataka vezanih za kvalitet i realizaciju nabavke. Stupa na snagu danom obostranog potpisivanja.

#### **Član 8.**

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

**PRODAVAC:**

**Direktor:**  
\_\_\_\_\_

**KUPAC:**

**Kantonalno tužilaštvo Kantona Sarajevo  
Glavna Kantonalna tužiteljica:**

**Dalida Burzić**

Broj: 846/2017  
Sarajevo, 28.12.2017. godine

Broj: A-III-52/17-VII  
Sarajevo, 27.12. 2017. godine